

上清諸真章頌

卷四

上清步虛三契頌

元始洞空无 三炁積上門 紫洞煥太空
 四明植靈振 妙化發東瓊 三便啓西昆
 皓映九玄清 五華帶錦雲 離羅煥神燈
 七星耀北元 飄飄上法箴 翼翼帶一尊
 落落高上章 明童何紛紛 流香本無色
 洞入萬仙群 左迴三流劫 右轉萬天關
 雲華縷至雲 八風舞空輪 四時無停機
 青白早明分 九九改劫運 三三度一椿
 天地有終會 否激歸在憐 洞明正一法
 嚴終六天文

白尸飄長流 孤魂因復零 悲此去來際
 方覺正法明 至學加精修 東華結瓊名
 欣有白簡人 相與樂太平
 洞關運天綱 玉氣轉三微 紫戶吐瓊蘭
 金門納神輝 八會交真風 晃朗重冥開
 天際九清外 落落高長迴 三色返空无
 四候應玉箴 河俠已鼓筆 五行潛相推
 六度無終劫 運極乘氣歸 萬魔羅天帝
 群凶競吐威 兆人負災衝 積尸令人悲
 妙哉正法文 履劫明不衆 至時相奉迎
 契在九天扉 與爾期太平 放身魯翼飛

上清旋行讚

大道洞玄微 高虛總三輪 金仙啓靈扉
 煥若九天分 太華散紫空 八真映素雲
 玄母結上願 行簡之八門 萬慶交靈會
 揚揚唱下元 妙誦感冲虛 得結高仙群
 旋行禮空洞 稽首朝帝君
 步虛曼樂華辭
 結我自然氣 凝化紫鳳城 高臺起九嶺
 茂燭成飛瓊 煥落重虛上 西折洞八清

紫蓋曜雲宮 流輝窮五靈 四達無窮野
 八氣迴圓明 扶搖運太空 七景轉天經
 運來若无相 特去隨化傾 九圓交度內
 二象互相征 帝一圓中元 四綱不類靈
 南採飛皇寶 北列廣寒度 玄房交真會
 虛歌自然生 五帝命靈幡 魔旗徵萬精
 魔從空中嘯 道世樂未央 故與西素辭
 慶神欣太平 相與契何許 萬劫為一齡
 迴轉九萬劫 同遊紫鳳軒
 空生紫鳳臺 瓊闕參太微 靈風洞八會
 北嶠間闐開 上有嘯歌兒 常唱運喪衰
 朝則乘景遊 暮則附景歸 二景齊一體
 常恐失景暉 九炁不常居 天地有傾危
 大劫終一椿 百六乘運迴 洪泉湧九嶺
 大鳥翔天垂 萬蠢飄長流 顧山不得依
 號泣無崖際 能不傷人懷 賢聖勤誦經
 故得乘景飛 至時相奉迎 同會九天扉
 數盡金馬辰 萬鴻交橫馳 不見學仙人
 但能哭屍悲 嗟此愚夫質 持命痛何哀
 散憂九玄臺 粟樂借太空 携契十天真

嘯命東海童 四達八會氣 玄運開靈風
 日朗西華館 意合廣寒空 婆娑紫鳳下
 蕭條九嶺峯 流眇无窮野 仰觀劫劫中
 清歌宮商和 憂樂自相從 二趣諧一契
 理背反還同 相與樂未央 持始復持終
 酣飲玉池醴 仰飲飛華皇 靈瓜自可實
 味若日月光 七曜流芳暉 斯樂豈可忘
 大劫有終運 運交二象傾 龍門斷天河
 三五反相征 赤鎮據東井 華蓋伏晨星
 玄暉昏八荒 穢氣翳天精 三官相操促
 五嶽不固靈 萬竊交橫馳 北帝勇魔兵
 八網羅天外 聖主乃能清 是結自然氣
 峻嶒九重城 高觀臨萬兆 憂樂從是生
 玄歌散神祿 蒙歡反涕零 哀此頑夫輩
 恠財貪色榮 欣欣待命至 不顧禍自嬰
 賢智逆方來 晨夜勤講經 禮空念玄虛
 以度不窮齡 若能奉道源 八節奏玉名
 將免九曜災 令爾見太平
 瓊鳳鸞展翼 紫臺曜玉林 流光拂重玄
 嗟峨陵九陰 紫臺散未霞 飛烟互相尋

七寶接瓊條 靈獸聘雲本 萬仙乘空詠
 神風揚妙音 上有高晨師 拱靜嘯與吟
 八會自然容 虛降皆蘭金 瓊璣彌劫旦
 玉殿散冲心 明珠唱靈歌 法容和清琴
 玉章至道宗 憂樂解人矜 釋我无終齡
 良娛樂何深 自然高仙韻 安能同此欽
 朝戲東華宮 夕遊西華堂 取樂二華館
 不與樂相逢 但聞玄歌子 悲聲傷天童
 哀響流寒庭 撫俾世運窮 天馬踴九河
 鳥母乘飛龍 玄津無橋梁 二氣隔不通
 登我峻嶒臺 仰觀九難中 穢氣彌三靈
 萬兆負災衝 八域無遺民 大小山嶽崩
 念此不知學 聞經若癡聾 相與任運生
 儻欲得命終 哀哉何期酷 念子傷我胃
 紫鳳乘空發 峻嶒九玄唱 氣結則影見
 氣散則神无 飄飄有無際 天樂適我娛
 安同八會唱 齊我高仙儔 携契十天真
 宴我九鳳軀 上登玉京闕 下截閻風洲
 羽騎迅瓊輪 紫烟空相扶 極朝復待旦
 借樂無終憂 流眇任運遷 億椿始一周

歡我自然矜 歡我懷世愛 自無玄靈寶
 誰能同此遊 哀哉空洞內 與樂復憂憂 朝發東來嶺
 夕觀西龍丘 不見九靈母 北真道相遊
 遠問大衆度 二氣忽云周 九龍運東井
 天馬發西嶺 北帝放天兵 五嶽玄相符
 萬魔已束帶 五行早相謀 兵災羅天布
 萬兆已被拘 上下皆受會 蕩除無稽留
 哀此五難中 運至無規跡 高登八會官
 結我冥中儔 屢觀至學者 福地以相扶
 棄家尋我道 冠得度兩軀 勤心修至經
 道成當相須 逍遙觀鳳臺 豈不樂哉遊
 大樂會中元 中元聚樂庭 上有八會氣
 娑婆紫鳳生 金條附玉根 七寶結華鈴
 龍超極嶺峯 鳳嘯駭萬程 不見離遊賓
 但聞鳳雲聲 宮商自相和 音響自然成
 玄歌唱妙曲 憂樂結成音 吾我自相求
 誰知真人靈 錦雲帶夜月 紫耀騎飛瓊
 三晨洞大暉 七元煥五星 靈幡有威光
 流烟瀉紫清 自謂西華妙 未若紫鳳城

上有解於人 一面歡萬齡 借樂无終劫 因覺天地傾

靈運自有已 數終自由玄 去來順運迴 何為憂自纏 散憂八荒外 大衆不主真 道逸歡樂庭 誰與憂為親 五難是常會

所傷自有人 官商雖不和 大歸理自均 故與憂樂曲 以度學道身 苦行研靈文

妙義自然鮮 但佩曲素章 剋入无憂津 乘空登鳳臺 高觀承唐年 此樂將何樂 知憂在何間

高上玉晨憂樂之曲空生鳳臺之上靈文明 於五方金音逸明於十天玉京九曲上真皆 鑄金為簡紫筆書文齊聲吟唱玄歌憂樂之 曲也其辭深贖妙趣洞淵自非高上之儔莫 有能究其篇者金名東華玉宇鳳閣乃得見 此文爾得佩鳳炁玄丘真書命魔靈懺讚憂 樂之曲則五帝衛真天魔敬護保舉上仙得 奉迎聖君於上清宮遊於鳳臺之堂也凡受 此文每以本命太歲八節之日及每月五日 十五日二十五日沐浴清齋入室先東向誦

青帝曲二首畢再禮朝玉真轉南向誦赤帝 曲畢再朝禮玉真轉西向誦白帝曲畢再禮 朝玉真轉北向誦黑帝曲畢再禮朝玉真向 太歲誦黃帝曲畢再禮朝玉真五方都畢還 北向九拜朝玉晨君仰咽氣九過止如此皆 施五帝幡於室五方出一清高聖玉晨鳳臺 曲素上經

洞真徊玄章 太上發玄蘊 燮爛數真文 落落散天寶 十方所共尊 不始亦求終 不明亦不昏

仰登玉京臺 逍遙憩崑崙 超度泉曲都 魔王願欲聞 七祖受化生 解我宿世怨 入控飛玄景 出駕浮紫雲 重暉曜玉宸 玄景開圓明 迢迢洞真殿 晃晃七寶精 一念度八難 長與太上并 纏旋獻黃景 日華虛中生 世知雜俗道 莫聞智慧經 大矣洞真戒 玄感魔王誠 萬椿若一息 宣繫千億齡 太上體本元 散形度弱喪 務歆室玄術 天尊並讚揚 有緣文自表 无因經為藏

若能得此道 首即生圓光 身濟无待津 飄飄逸仙堂 无无竟无水 有有安入妙 天輪蔚无上

玄宗自有要 回轉三寶輪 十方普震曜 太上觀玉京 魔王空中笑 天帝又手唱 衆真乘虛嘯 散華正我念 八願自然超

靈仙乘慶霄 駕龍躡玄波 冷真表嘉祥 濯足八天阿 福應不我期 故爾釋天羅 道德冠三界 地網亦已過 感遇雲真會

淨慧經蓮華 无上覺四輩 茫茫大方外 幽顯諒有由 无幽故无昧 速羅運玄輪 真仙幸華眷 時遊妙際間 天人无見際 天人无津岸 泛舟不測淵

靈妙寄宣通 常恐風波渡 其緣有奇力 智勢誰能算 舟舟任玄樞 昭然冥因判 挺穎應真子 靈琴空中彈 淨思恭十方 玄留不我羨 太上敷洞文 賢賢歸本緣 蕭條三寶圓 繁華秀我因 伯史與入精 質淨生金身 終劫復始劫 愈覺靈顏新 希度禮无上

寶文降至真 道林蔚天京 下光諸地仙
 從容散靈威 洋洋大法宣
 太上觀十方 瞻蕩融風穆 圓光映三辰
 真人披天服 魔王叉手立 司叩鄂京側
 日月騎行曜 七寶煥元樞 一切營此時
 禍滅地獄息 渺字元景天 尊人莫能測
 三寶繫十方 塵塵空中澄 究轉隨化理
 一感法輪昇 漠漠瞰味間 四大與時興
 空有靡不有 崔嵬多山麓 太上元滯念
 滅念歸大乘

凡十方迴玄禮頌先始北方次東方東方
 東南方南方西南方西方西北方上方下方
 一頌一拜迴玄品者出乎自然而然虛峙九
 十餘劫其文乃見元始天王學道於太上後
 道成太上命元始天王盛而撰焉以配大成
 當以本命日說三百部戒而頌此文若日中
 及夜半時修之也先齋而後行道不知本命
 用甲子日若十年以後可正月一日行道爾

金章十二篇
 宴昭太霞宮 金闕曜紫清 仙房映太素

四軒皆朱瓊 擲輪空洞津 控轡舞綠耕
 玉華飛雲蓋 西妃運錦旌 翩然塵濁外
 儵欵佳人庭 宿感應期來 所得已在冥
 乘風想九霄 共酣丹華嬰 顧謝世中物
 安知元中靈

北登玄冥闕 携手經高羅 香烟散八景
 玄風鼓絳波 仰起琅琅津 俯躬曲嶽阿
 嘯歌雲上唱 鳳鳴洞九霄 乘杰浮太空
 曷為躡山阿 金節命羽靈 倏兵摧萬魔
 漱吸圓晨暉 積格方嬰芽 紛紛趣競中
 不解可奈何

北龍鬱霄鶴 絳樹結紫華 青雲落鳳林
 碧桂秀巖阿 靈闕凌太空 瓊房參太霞
 雲興曲室內 八風飛冥沙 九彌彈帝壙
 龍嘯唱御和 扇飆五嶽傾 握節傲萬魔

顧盼須臾頃 忽然椿已過 哀哉朝生者
 安知齡紀多

陽景布林宮 運軸沖漠幽 至觀映六庭
 大小盡逍遙 龍吹縹蓋雲 虎奔駭萬條
 三素啓高圖 丹霞射翠霄 羽旂橫靈津

紫軒飛華翹 控轡九天外 俯仰自寥寥
 塵珠結若穢 神喪亦亦凋 奚不尋連御
 八十乃一朝 飛輪辭綠房 高唱倚交篇
 朝濟碧海波 三契玉霄賓 五期東華童
 蓋越滄浪中

羽飈昇帝晨 宴此廣寒宮 八音虛中彈
 紫鳳唱靈風 絳霞遏明曜 八景飛太空
 咀嚼瓊泉津 浩秀運嬰柔 至樂歸五神
 年積劫刀索 脫後將何難 勞憂喪天中
 朝駕展景暉 逸纏發紫清 浮輪騁太霞

揚蓋廣寒庭 高真禁帝室 官壙引四靈
 十絕舞空阿 飛烟繞錦屏 虎角神風慶
 紫雲迴龍駢 儵欵盼八方 一顏椿已傾
 蕭蕭玄鏡子 奚不尋太生

神園秀隱芝 昆池灌野日 仰觀玉清闕
 暖曦臨絳津 紫霞映曲席 五雲曜九玄
 八風起絕宇 幽鶉綠軒間 三元舍西宮
 東華有佳人 北冥唱七嘯 明姬歌南真
 撫璣參朱津 玉節揚六絃 合契安非運
 俱響廣鳳嶺 同期命萬魔 宅此群黑千

超然來何難 乃啓不窮年
 駕燕聘空洞 乘景憇九天
 玄蓋生元間 八烟颯寒輪
 撫璇八空響 我馬亦無津
 夕宴玄圃巔 東帶攜五靈
 冥感自適運 汎然亦有緣
 一扇動億千 絳景浮玄晨
 仰超金闕內 俯眇西華城
 東華啓五暉 神光煥七靈
 流任自齊冥 風鼓空洞宇
 手攜織女儂 雙鈴落錦青
 華蓋隨雲傾 宴寢九度外
 抱空沈九內 天姿愈日嬰
 中修无聊生 宣况洞德穢
 扶桑翠空峯 朱雲葩微明
 四觀映高清 飛景控紫輪
 寢偃大帝館 凌嶂阿母庭
 捉契玉醴甕 曲晨乘風扇
 暫適地藹中 迴駕泥良真
 流浪任幽冥 始知榮辱辛
 浪臺有虛上 玄會自相要
 方悟憂促齡

曲室可清靜 順神待日成
 百病從是生 天庭生金華
 玉谷參玄鄉 瓊蕊互扶羅
 飛藥吐雲沙 清晨案天馬
 仙人來入室 又以滅百邪
 道以齊爲先 勤行登金闕
 普度諸人物 宿世恩德報
 六齋禮空洞 十真神感徹
 雲輿相迎謁 身飛昇玄都
 上清諸真章頌 七祖咸解脫

三篇同卷
 太上洞玄靈寶智慧禮讚
 靈寶九幽長夜起尸度亡玄章
 洞玄靈寶六甲玉女上官歌章
 卷五

太上洞玄靈寶智慧禮讚
 太上玄虛宗 弘道尊其經
 歷劫無數齡 巍巍太真德
 宵景結空構 乘虛自然征
 安和樂未央 日月爲炳灼
 學仙絕華念 念念相因積
 神踪靡不歷 滅念停虛闕
 請經若飢渴 持志猶金石
 五靈度符籍 保子飛玄路
 濟我六度行 故能解三羅
 吐納養雲牙 逍遙金闕內
 自然生七寶 人人坐蓮華
 俯酣空洞瓜 容顏耀千日
 法鼓會天仙 鳴鐘徹大魔
 靈風扇香華 瓊欄開繁林
 太真撫雲璈
 去來亂我神 脩脩入空寂
 玉京爲余家 仰對玄都棗
 奚計年劫多